

E distinccion maximo di Shon Shoco pa un bida destaca a bay pa Sr. Etty Toppenberg



Sr. Etty Toppenberg

E distinccion maximo di Shon Shoco a bay pa Sr. Etty Toppenberg. Motibo pa esaki ta infinito, un carera profesional hopi exitoso, aporte di semper na e musica y cultura di Aruba en cortu un bida dedica na lo miho di nos isla. Sr. Etty Toppenberg ta un ehempel grandi di esaki.

Te ainda Sr. Etty ta activo den musica, deleitando tur esnan cu presenta cerca dje cu musica tipicamente di nos isla den cual e ta conta storianan cu a pasa di berdad, asina pone tur hende recorda e bunita momentonan cu ya a pasa. Sin lubida e amor cu semper e ta papia di dje pa su bario di Companashi, for di cual e ta saca mayoria di su cancionnan.

No ta na Aruba so Sr. Etty a ricibi reconocimiento pa su tremendo trabou. Na comienzo di su carera den e festival di OTI representando Aruba y recientemente ricibiendo e reconocimiento di e “Earth Song”.

Den su nota di gradicimento, Sr. Etty a duna danki na tur esnan cu semper a sostene specialmente na un amigo di semper esta Eric Escalona kende ta un compaño di inseparabel

den e mundo musical cu semper el a traha cune. Un danki special Sr. Etty Toppenberg tabatin tambe pa Sr. Johnny Chemaly, un amigo di mucha, cu semper a sostene den su carera musical y bida completo. Igualmente Etty a expresa su gradicimento na henter su famia, specialmente su ruman Alwyn cu ta un fuente di su inspiracion. Un biaha mas pabien na Sr. Etty pa un bida destaca cu ta merece un reconocimiento asina.

